



শনিবার ঢাকায় মাধ্যমিক স্কুল

শিক্ষকদের বিক্ষোভ মিছিল

—দৈনিক বাংলা

ধর্মঘটী শিক্ষকদের প্রতিবাদ দিবস পালন

(স্টাফ রিপোর্টার)

ধর্মঘটেরত বেসরকারী মাধ্যমিক শিক্ষক কর্মচারীদের কাজে যোগদান সম্পর্কিত সরকারী প্রেস নোটে প্রতিবাদে বাংলাদেশ শিক্ষক সমন্বয় পরিষদ শনিবার সারাদেশে প্রতিবাদ দিবস পালন করে।

এ উপলক্ষে গতকাল বায়তুল মোকাররম চত্বরে আয়োজিত এক সমাবেশে শিক্ষক নেতা জলাব কামর, জামান সরকারের উক্ত প্রেসনোটকে শিক্ষকদের জন্য অমর্যাদাকর বলে অভিহিত করে এর বিরুদ্ধে নিন্দা ও ক্ষোভ প্রকাশ করেন।

তিনি বলেন আমরা স্কুলে ফিরে যেতে চাই। তবে সরকারকে আমাদের ন্যায়সঙ্গত দাবী দাবী মেনে নিতে হবে।

জনাব কামর, জামান অবিলম্বে আটক শিক্ষকদের মুক্তিদান মামলা প্রত্যাহার ও বিভিন্ন নির্ধািতন-মূলক ব্যবস্থা গ্রহণ থেকে সরকারকে বিরত থাকার আহ্বান জানান। তিনি উপরোক্ত দাবী না মানা পর্যন্ত সমঝোতা নয় এবং সংগ্রাম অব্যাহত থাকবে বলে উল্লেখ করেন।

সমাবেশ শেষে একটি বিক্ষোভ মিছিল সচিবালয়, প্রেসক্লাব ও শিক্ষাভবন হয়ে শহীদ মিনারে গিয়ে শেষ হয়।

শিক্ষক সমন্বয় পরিষদ আগামী ১০ই এপ্রিল বায়তুল মোকাররম চত্বরে 'শিক্ষক সংহতি দিবস' পালন উপলক্ষে এক সমাবেশের আয়োজন করবে।

বরিশাল থেকে আমাদের সংবাদদাতা জানান শনিবার সকালে বঙ্গ-মেহন বিদ্যালয়ে বেসরকারী মাধ্যমিক স্কুল শিক্ষকদের এক সমাবেশে দাবী আদায় পর্যন্ত ধর্মঘট চািলিয়ে যাওয়ার কথা বাস্তব করা হয়।

আজ এই এপ্রিলের মধ্যে কাজে যোগ দেয়ার যে সরকারী নির্দেশ দেয়া হয়েছে সমাবেশে বক্তারা তার সমালোচনা করেন।

বাখরগঞ্জ জে এস ইউ মাধ্যমিক বিদ্যালয়ের প্রধান শিক্ষক জলাব লেহাজউদ্দীন বিশ্বাস সভায় সভাপতিত্ব করেন।

সমাবেশ শেষে শিক্ষকরা মিছিল করে শহরের প্রধান প্রধান সড়ক প্রদক্ষিণ করেন।

এদিকে আজ বেসরকারী মাধ্যমিক বিদ্যালয় চতুর্থ শ্রেণী কর্মচারীদের এক সভায় দাবী আদায় পর্যন্ত ধর্মঘট চািলিয়ে যাওয়ার সিদ্ধান্ত নেয়া হয়।

পটুয়াখালী

পটুয়াখালী থেকে আমাদের সংবাদদাতা জানান আজ সকালে জেলা শিক্ষক সমন্বয় পরিষদের উদ্যোগে স্থানীয় আদর্শ মাধ্যমিক বিদ্যালয়ে এক সভা অনুষ্ঠিত হয়।

সৈয়দ আলতফ হোসেন সভায় সভাপতিত্ব করেন।